

Convenio de colaboración entre a Consellería de Educación, Ciencia, Universidades e Formación Profesional da Xunta de Galicia e a Fundación Menela

MEMORIA XUSTIFICATIVA

A Directora Xeral de Ordenación e Innovación Educativa da Consellería de Educación, Ciencia, Universidades e Formación Profesional,

DECLARA:

Que esta Consellería de Educación, Ciencia, Universidades e Formación Profesional ten previsto formalizar coa Fundación Menela (MENELA) o instrumento convencional arriba referido por un período de vixencia que abrangue dende o día da súa sinatura ata o finais do curso académico 2026-2027, isto é o día 31 de agosto de 2027, sendo prorrogado automaticamente por cursos académicos sucesivos, salvo denuncia expresa dunha das partes asinantes e cunha notificación á outra de dous meses de antelación. O seu contido poderá ser modificado, por mutuo acordo das partes, mediante a subscripción do oportuno acordo de modificación.

Que o instrumento convencional ten por obxecto establecer as condicións da colaboración entre a Consellería de Educación, Ciencia, Universidades e Formación Profesional e a Fundación Menela (MENELA) nas accións e actividades dirixidas á mellora da atención educativa ao alumnado con TEA ou calquera outra síndrome ou trastorno relacionado co TEA.



Que existe converxencia de intereses entre as entidades asinantes en orden á consecución do obxecto referido.

Que o instrumento convencional que se pretende asinar se fundamenta no seguinte:

Que a Consellería considera como un dos piares fundamentais dun sistema educativo de calidade a atención á diversidade do alumnado, o que esixe unha acción educativa integral que dea resposta axeitada ás necesidades específicas de apoio educativo, sendo necesario, para este fin, contar con toda a comunidade educativa así como coas entidades, asociacións ou entidades sen ánimo de lucro que adiquen os seus esforzos a esta finalidade.

Que o Decreto 229/2011, do 7 de decembro, polo que se regula a atención á diversidade do alumnado dos centros docentes da Comunidade Autónoma de Galicia nos que se imparten as ensinanzas establecidas na Lei orgánica 2/2006, do 3 de maio, de educación, dispón que o alumnado con necesidade específica de apoio educativo pode requirir "apoios ou provisións educativas diferentes ás ordinarias e que a consellería con competencias en materia de educación promoverá a colaboración entre as distintas administracións, entidades, asociacións e outras organizacións sen ánimo de lucro e con atribucións na prevención, detección temperá e intervención educativa co alumnado, establecendo protocolos comúns de actuación e favorecendo o intercambio de información e a difusión de boas prácticas".

Que MENELA é unha entidade privada de iniciativa social sen ánimo de lucro, declarada pola Xunta de Galicia como Benéfico-Asistencial e de Interese Galego (Orde do 11 e 12 de maio de 1989, respectivamente), que ten como misión contribuír a mellorar a calidade de vida das persoas con TEA e defender a súa



dignidade como cidadáns, dando resposta ás súas necesidades específicas ao longo do seu ciclo vital, que ten entre os seus principais fins os seguintes:

- a) A programación, pulo, e execución dos plans de investigación e estudos, de calquera nivel educativo, destinados especialmente á perfección e mellora da atención e axuda a persoas con discapacidade, psíquicas, autistas, psicóticas e con trastornos afíns, así como a creación de becas para incentivar ás persoas que colaboren neste campo das discapacidades psíquicas.
- b) Tomar iniciativas para que por toda clase de institucións e Organismos, públicos e privados, se promovan, adquiran ou constrúan colexios, residencias, centros de atención e axuda, lugares de expansión, de lecer ou de descanso, etc., nos que se preste a debida asistencia ós grupos de persoas ás que a Fundación desexa atender.
- c) Promover a creación de becas e axudas económicas para as familias das persoa diminuídas psíquicas ou físicas, ou crealas a propia Fundación, a fin de que as familias menos dotadas economicamente poidan acceder a Centros de Asistencia especializados e que por falla de recursos non queden marxinados.
- d) Promover actividades de voluntariado social con fins asistenciais ás persoas marxinadas en xeral, e especialmente á prestación de asistencia a residencias, escolas, centros de apoio familiar, centros ocupacionais, etc., destinados a persoas con discapacidade.
- e) Promover a edición de publicacións, referidas a estudos relacionados co obxecto da Fundación, traballos de investigación, relatorios e comunicacións.
- f) Sensibilizar á sociedade en xeral e á propia Administración, a través dos medios de comunicación, da necesidade de potenciar e arbitrar todo tipo de recursos en beneficio das persoas con discapacidade psíquica.



g) Promove-las relacións da Fundación con outras institucións semellantes á mesma do Estado Español, Comunidade Europea ou calquera outro país.

En atención a estas consideracións, as dúas institucións teñen a vontade de sumar os esforzos que realizan no campo da atención educativa e no desenvolvemento de accións e actividades dirixidas á mellora da atención educativa ao alumnado con TEA ou calquera outra síndrome ou trastorno relacionado co TEA, manifestando que os intereses converxentes das partes asinantes exclúen o ánimo de lucro e non poden satisfacerse axeitadamente mediante a celebración dun contrato dos contemplados na Lei 9/2017, do 8 de novembro, de Contratos do Sector Público, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do convenio que se pretende, con exclusión doutras figuras.

E para que conste, asíñase esta memoria en Santiago de Compostela

Judith Fernández Novoa

